

جَزَائِرِ حَاكِمِيَّة

جمعه ایرتسی

نومرو	ربیع الاول	سنه	ایلول	سنه	صحیفه
۶۱۹	۷	۱۳۰۹	۲۸	۱۳۰۷	۹۰۲۱

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حساییله التمش غروشدر . طشره لر ایچون اون بش غروش پوسته اجر قی ضم اولتور . بهر)
 (نسخه سی ینه مجیدیه یکر می غروش اولق اوزره یوز پاره یه هر یرده صاتیلور . درج اولنه حق)
 (اعلاناتک هر برندن بر مجیدیه اخذ اولتور . سنه لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت رسمی

(فی ۱۸ صفر سنه ۳۰۹ و فی ۹ ایلول)
 (سنه ۳۰۷ تاریخنده بالجه ولایات استیناف)
 (محکمه سی مدعی عمومیلرینه و مدعی عمومی)
 (بولنمیان محللر مدعی عمومی معاونلرینه یازیلان)
 (تحریرات عمومیه صورتیدر)

اوتوده بروده اجرای شقاوت ایتمکده اولان
 اشخاصک اکثریسی محللرنجه حال شقاوتده

دردست اولنوب برای محاکمه جهت عدلیه
 تسلیم اولنهرق برر وسیله ایله مأمورین عدلیه
 طرفندن سیللاری اخلا ایدیلان سابقه لی طاقندن
 اولمسلیله بو حال مأمورین عدلیه جه مضمونینک
 امر استنطاق و محاکمه لرنده اصول و نظامات
 موجوده احکامنه رعایت کامله ده عدم مبالات
 وقوعبولقده ایدوکنی ایمایدرك بوا یسه اومثلولر
 حقلرنده داعی مسئولیت شدیدله اولق طبیعی
 ایدوکنندن فیما بعد بویله سابقه لی و اویغونسز
 طاقندن اله کچوریلان کسانک اصول و نظامی
 دائره سنده تحقیقات و تدقیقات عمیق و مکمله اجرا

ایدلکسزین هیچ بر سبب و بهانه ایله اخلاقی
سیدلیری طریقه کیدلماسی خصوصه اراده مدلت
افاده حضرت پادشاهینک شرفسوح بیورلدینی
مایین هایون باش کتبات جایلله سندن باتذکره
خصوصیه تبلیغ و ازبار بیورلش و بوباده ذره جه
قصور و تسامح ایدلیه رک او مقوله اشخاص مضره
حتلرنده تعقیبات و تطبیقات قانونیه نک کلیلله ایفای
هر طرفه اشعار و اخطار ایدلش اولمغله دائره
مأموریت بهیله رنده بولنان بالجله محاکم مأمور لر نجه ده
اراده سینه حکم عالیه توفیقاً ایفای وظیفه
مزید اعتنا اولنمی سیاقده شقه ترقیمه
ابتدار اولندی .

(فی ۲۵ صفر سنه ۳۰۹ وفی ۱۶ ایلول)
(سنه ۳۰۷ تاریخده بالجله ولایات استیناف)
(محکمه سی مدعی عمومیلرینه ومدعی عمومی)
(بولنمیان محاکم مدعی عمومی معاونلرینه یازیلان)
(تحریرات عمومیه صورتیدر)

رجهیه مخالف وصحته مضر اوله رق ترتیب
ایدلکاری ادویه نک خسته یه اولان تأثیرینه کوره

اجزایار حقیقه بلدی اسپنچیارلق صنعتک
اجراسنه دائر اولان نظامنامه ده معین بر جزا
اولدیغندن اجرای ایجابنه دائر شورای دولت
داخلیه دائره سندن اعطا اولنان مضبطه اوزرینه
اولیابده جریان مذاکراتی حاوی تنظیمات
دائره سندن تنظیم و بر صورتی بیورلدی عالی
تبلیغ اولنان مضبطه ده جزا قانونک یوز طقسان
التبجی و بلدی اسپنچیارلق نظامنامه سنک قرق
ایکنجی ماده لرک صحت عمومیه بی اخلال
ایده جک اجزای مضره و قاریشقی مشروبات
و کفالتسز سمیات فروخت ایدنلرله اجرای صنعته
مأذون اولان اسپنچیارلردن مخالف نظام حرکتی
ظهور ایدنلرک کیفیت مجازاتی محرر اولوب
جزانک فعل نسبتده تعیین ایسه محاکمه عائد
بولندیغندن بو باده یکیدن ماده نظامیه تأسیسه
لزوم اولیوب ذکر اولنان قانون و نظامنامه یه
توفیق معامله ایدلسی لزومی کوسترلش و کیفیتک
لازم کلانلره تبلیغی ایچون اشبو تحریرانک نسخ
مطبوعه کافیه سی لفاً ارسال قلنمش اولدینی
بیانیله شقه .



قسم غیر رسمی

(فی ۲۴ صفر سنه ۳۰۹ وفی ۱۵ ایلول)
(سنه ۳۰۷ تاریخده بالجله ولایات استیناف)
(محکمه سی مدعی عمومیلرینه ومدعی عمومی)
(بولنمیان محاکم مدعی عمومی معاونلرینه یازیلان)
(تحریرات عمومیه صورتیدر)

ملغا منافع صندوقلرندن زراعت بانکه سی شعبه
و صندوقلرینه دور اولنوبده هامش وظهریه لرینه
بول یاپشدرلماش و یاخود نسبت نظامیه سندن دون
بول یاپشدرلماش اولان سندات و اوراق سائرده دن
جزای تقدی النمیوب یالکر لازمکلان بوللرک
الصاقیه اکتفا اولنمی حقیقه اتخاذ اولنوب مقدمه
تبلیغ قلنان شورای دولت قرارینک یالکرهامش
وظهریه لره منحصر و لمیوب متلری پولسز
اوله رق التمش و یاخود نسبت نظامیه سندن دون
بول یاپشدرلماش اولان سنداته ده شمولی بوکره
بیورلدی سامی تبلیغ بیوریلان شورای دولت
قراری اقتضاسندن بولنمش و لازم کلانلره تبلیغ
کیفیت اولنمق اوزره اشبو تحریرانک نسخ
مطبوعه کافیه و مصدقه سی لفاً ارسال قلنمش اولمغله
ایفای مقتضای خصوصه همت .

مذکور اعلامک خلاصه مالی اوچیوزدرت
سنه سی کانون اولنک اوچنجی کیجه می غلطه ده
چشمه میداننده متقاعدین عسکریده دن محمدنوری
افدینک قتل اولنم سندن طولانی هیئت اتهامیه ده
جنایتله اتهام اولنان ایکی کشیدن محل مذکورده
ساکن آستانه لی یکریمی بر یاشنده کیچی علی بن
حسینک من غیر تعمد قتل مذکورده جراتی اجرا
قلنان محاکمه علنیه ده مؤول اقراری و اخبارات

وامارات ايله ثابت اولديغندن مجرميته وقانون
جزانك يوز يتمش دردنجي ماده سنك فقره اوليسنه
توفيقاً وابتدای توقيفی اولان اوچيوز اتی سنه سی
و بيع الآخر ينك اون ايكنجی كونسندن اعتباراً
بعدالشهير اون بش سنه مدته كوركه قونلمسسه
وعلى بن حاجي حسينك قتل مذكوره اشتراكه
دائر تجریمي حكم ایچون درجه كفايه ده سر رشته
النه مدیغندن براءت ذمتيله سيليك تخلیه سنه
و حقوق شخصیه جهتندن طولاي مدعيه شخصیه
جانبندن طاب وقوعنده محكمه شرعیه حواله سنه
ومصارف محاكمه نك تحصيله حكم اولنه رق تفهيم
قلنديغی بياندن عبارت بولنمشدر .

مذکور استعدا مندرجاتی برائته قرار
ويريلان على بن حاجي حسينك فعل جرح و قتله
جرائته شهادت ايدنلردن كوشكلى عبداللهك
صورت شهادتی عیناً ضبط اولنمیه رق كوشكلى
تبا كو اسماعيلك افاده سنی تماماً تكرار ايتديكنك
بیانیله اکتفا قلنمسی و اوچيوز بش سنه سی مارتنك
اون سكرنجی صالی كونی محاكمه یه ختام ويريله رك
مذاكره يوم آخره تعلیق ایدلمش اولدینی حالده
مذاكره نك فی ۱۵ حزیران سنه ۳۰۵ تاریخه
مصادف اولان پنجشنبه كونه قدر تأخیر اولنمش

اولمسی و مرقوم على بن حاجي حسينك ایقاع جرح
وقتله جرائی محاكمه ضبطنامه سنك اون دردنجی
صحیفه سیله یكرمی اوچنجی صحیفه سنك (صوك
سטרندن یكرمی سكرنجی صحیفه سنك التتجی سطرینه
وبنه اوتوز برنجی صحیفه سنك اون دردنجی سطرندن
اوتوز ايكنجی صحیفه سنك نهایته قدر محرر اولان
یدی صحیفه مقداری افاداتك ایضاح اولنان
دلائل عديده وعلى الخصوص تنبا كو اسماعيل
وعبداه نام شاهدلرك رؤيته مستند اوله رق
وقوعبولان شهادتاری وینه شهوددن توفیق ايله
قارد علینك صورت شهادتارندن متحصل امارات
ایله رهین مرتبه ثبوت اولمش ایكن شو اسباب
ثبوتیه نك نه کی احوال ايله سلب اولنديغنه دائر
هیچ بر سبب كوسترلمكسزین كویا مرقوم على بن
حاجي حسينك قتل مذكوره اشتراكه دائر حاصل
اولان احوال كافة على بن حسينك اسنادینه مستند
اولدینی و مرقومان بیننده خصومت بولدینی جمله
تحقیقاتدن ایدوکی افاده مجرده سیله احوال
مذكوره مرقومك مجرمیتی حكم ایچون تأمین
وجدان ایدر درجه ده كوریه مدیكندن بالبحث
برائته اکثریتله قرار ویرلديكنك بیان اولنمسی
وبونكله برابر بوعلیلرك بیننده کی خصومت
نه مقوله اسباب ثبوتیه ايله تحقق ايتديكنك و بویه

مذاكره ده بونلرك شهادتارندن بیله بحث ایدلمامسی
ومجرمیتله قرار ویریلان على بن حسينك فعل
قتله جرائی تهوره مستند ایدوکی بیان اولنوب
حالبوکه منازعه وقوعبولمديغنك تحقیقات ايله
درجه ثبوتده اولمسی و تهورك استناد ایده بیله جکی
بشقه بر نقطه دخی بولنمسی اصول محاکات جزائییه
قانوننك اوچيوز اون دردنجی ماده سی حکمنجه
ذکر اولنان اعلامك نقضی مستلزم اسباب
قانونیه دن بولنديغنه بناء اعلام مذکورك تدقیقه
هرایکسی حقنده کی قرارك نقضی مستدعی اولوب
تبلیغنامه ده دخی لایحه تمیزیه مندرجاندن مرقوم
على بن حسينك جهت محکومیتله اولان اعتراض
حکامك تقدیرینه متعلق اولوب چونکه سبب قتل
اساساً ثابت اولمش ایدوکنندن و بوباده صورت
محاكمه جه نقضی موجب اولور درجه ده نقصان
كوریه مدیكندن اعلام مذکورك مرقوم على بن
حسین حقنده اولان حکمنك تصدیق و براءت
حکمی علیه ده مدعی عمومی مومی الیهك لایحه
تمیزیه سنده بسط اولنان احوال بجا كورنديكندن
بو براءت حکمنك دخی اصول محاکات جزائییه
قانوننك اوچيوز اون بشنجی ماده سی موجبجه
نقضی طلب اولنمشدر .

اوراق سائر دخی قرائتله تدقیقات تمیزیه

بر قتل فعلی اسنادیه افترا بی موجب اوله جق
درجه ده اولوب اولمديغنك دخی تعیین
اولنمسی و متهم وکیل رفیق بك طرفندن حقارنده
شهادت كاذبه اسناد اولنمش اولان مذکور الاسامی
درت نفر شهودك كذبلینه دائر اماره كوریه میوب
بالعکس شهود مرقومه دن شهادتاری رؤیت جرح
وقتله مستند اولمسیله حائز اهمیت اولان اسماعيل ايله
عبداللهك كرك وکیل مومی الیه و كرك كندوسی
طرفندن یكديكریه كورشديرلمكسزین آری آری
ایراد اولنان استلهیه ویرمش اولدقاری اجوبه که
ضبطنامه نك اون برنجی واون ايكنجی صحیفه لرنده
مندرجدر بوجوابلرك هیچ برنده میابیت وكذب
دلالت ایدر برجهت بولنمسیله شهادتارینك
مقرون صدق و صحت ایدوکی تحقق ایتمسندن طولاي
علیهلرینه طرفندن شهادت كاذبه دعواسی اقامه
اولنمیه جنی بیان وتذکار ايله برابر مادامکه متهم
وکیل طرفندن بویه برادعا درمیان اولنمشدر
شاید هیئت حاکمه بونلرك كاذب اولدینی حس
ایدیورسه اصول محاکات جزائییه قانوننك یوز
سکسان برنجی ماده سنه توفیق معامله اولنمسی
لازم که جکی قانون نامه اخطار اولنمش ایكن
كرك متهم وکیلنك بوباده کی ادعاسنه و كرك كندو
اخطارینه بر جواب ورأی ویرلیو بده الك صكره

اجرا اولند قدقه تبلیغنامه ده کوسترلدیکی وجهله
استیناف مدعی عمومیسنک اعتراضاتندن متهملردن
محکوم اولان کمیچی علی بن حسین حقنده کی حکمه
اولان اعتراضی هیئت محکمه نك وجدانه محول
امور تقدیر یه دن بولنمش واولباده جریان ایدن
سائر تحقیقات و محاکمه اصول محاکمات جزائییه
قانونیه موافق و مرقوم حقنده لاحق اولان حکم
دخی جزا قانوننامه هما یونیه مطابق کورلمش
اولدیغندن بوباده کی اعتراضك ردیله اعلام
مذكورك جنایت جهتنك تصدیقه و برأت حکمی
علیهنده اولان اعتراض بجا و نقض حکمی مستلزم
اسباب قانونیه دن کورندیکندن بوجهتنك دخی
اصول محاکمات جزائییه قانوننك اوچوز اون
بشنجی ماده سنه توفیقاً برأت حکمنه خلل کلامك
شرطیله مجرد قانونك حسن جریانی تأمیناً بر موجب
طلب نقضه و خرج تعرفه سنك اوتوز سکرنجی
ماده سی موجبجه تمیز اعلامی خرجی اولان یوز
غروشك اخذ واستیفاسنه قرار ویرلدی.

فی ۱۹ جمادی الاول سنه ۳۰۷

وفی ۹ کانون ثانی سنه ۳۰۵

محکمه استیناف جنحه دائره سنده رئیس
وکیل حیدر افندی ایله اعضا حق بك وطاقوور
افندیدن متشکل هیئت اتهامیه محکمه مذکوره
مدعی عمومی معاونلردن مدوح بك حاضر اولدینی
حالده بالاجتماع استیناف مدعی عمومی ایلمشکي مأموریت
علیه سنك فی ۱۱ صفر سنه ۳۰۹ تاریخی مطالعه
نامه سیله دائریه ویریلان بك اوغلی مستنطقنی
قرارنامه سیله قرار مزبور علیه محلی مدعی
عمومیلکندن ویریلوب بالتدقیق مدت نظامیه سی
ظرفنده اولدینی اکلاشیلان اعتراضنامه واوراق
سائر ضبط کاتبی وصفی بکه قرائت ایتدیرلدی.

قرارنامه مفادی (خدیجه بی اطاله لسان ایله
ضرب ایلدیکي ادعاسیله مظنون علیه اولان عارف
حقنده تحقیقات اجراسی طلب اولنمش ایسه ده
پولیسك اوراق مکمله تحقیقیه سی واثق معتبره
قانونیه دن اولوب مندرجاتنه بنای تحقیقات
اولنمشنك ممنوعیتنه دائر برکونه صراحت ویا
دلالت اصولی موجود اولدیغنه ومع مافیه اصول
محاکمه جنائییه نك قرق سکرنجی ماده سنك محتوی
اولدینی (بودخی نه یابالمق لازم کلور ایسه مستنطقه
حواله ایلدیه جکدر) جمله سیله الی بشنجی ماده سنك
حاوی بولدینی معاملات واقعنه نك جمله سی

و یاخود بعضیسی ناقضی عد ایدر ایسه یکیدن
اجرای تحقیقات ایتمکه صلاحیتی وارد) فقر دلری
مفهوم مخلقلری اعتبار یله اوراق مزبوره نك
مستنطقله اعتبار احکامنی تحت تصدیقه المش
اولدقلری کبی اساس و ماهیتلری اوراق مرقومه
ایله تبیین ایدن بر دعوا دن طولانی تکرار ضبط
افادات خصوصی باعتبار الغایت عبث ایله اشتغال
دیك اولدیغندن بناء علیه اصولی دائره سنده
تنظیم اولسان اوراق مسروده ابتدائی اوزرینه
بنای قراره صلاحیتی اولدیغنه قرار ویرلدیکي
حاویدر .

اعتراضنامه مؤداسی دخی (مستنطق وظائف
قانونیه سندن اولدینی وجهله طرفینك مدافعه سی
استماع ضبط ایلمسی لازم کلور ایکن پولیس
مرکزنده طوتمش اولان افاده نامه ده محرر ادعا
وافادیه بناء اساس ماده حقنده مطالعه اولنمق
اوزره اوراقی تودیع ایلمش ایسه ده طرفینك
افاده لری ضبط ایلدیکجه ورقه مذکوره اوزرینه
اساس ماده یه دائر بیان مطالعه اولنمه یه جنی کبی
پولیس تحقیقاتنك شایان اجتماع واثق معتبره دن
اولدینی دخی قرین قبول مواد قانونیه دن اولمامسی
جهتله قرار مذکورك فسخی طابنی شاملدر .

مطالعه نامه مآلی دخی (پولیس تحقیقات
ورقه سی اوزرینه بنای قراره صلاحیتی اولدیغنه
دائر مستنطق طرفندن قرار ویرلمش ایسه ده
مستنطقك اسناد ایتدیکي ماده لردن قرق سکرنجی
ماده قانوننك مدعی عمومیله معاونت ایده جك
ضابطه عدلیه مأمورلری حقنده اولان فصل
خامسده محرر وجرم مشهود حالده و یاخود
برجنایت صاحبی طرفندن طلب وقوعی تقدیرنده
بایله حق معاملاتنه عا د اولان قرق التجی ماده سی
ایله مدعی عمومیله ضابطه عدلیه مأمورلرینك
موقع تحقیقه اجتماعلری صورتنده اجرا قلنه جق
معاملاتی محتوی اولان قرق یدنجی ماده سنه
معطوف اولسنه والی بشنجی ماده دخی قانون
مذكورك مستنطق وظائفنه دائر بولسان فصل
سادسنك قسم نایسنك جزؤ اولنده محرر اولان
جرائم مشهوریه متدائر و قانون مزبورك قرق
طقوزنجی ماده سی حکمنجه ضابطه عدلیه مأمور
لرینك تحقیقه طوغریدن طوغرییه مأمور
اولدقلرینی جنجه و جنایتنده یعنی جرایم غیر
مشهودده وظیفه لری یالکر اخبار نامینی مدعی
عمومی یی کوندر مکدن عبارت اولوب تحقیقات
اجراسنه مآذونیت قانونیه لری اولدینی بدیهی
وماذونیت قانونیه یه مستند اوایان پولیس

تحقیقاتك نظر قانونده معتبر اوله میه جنی آشکار
بولنمسه کوره جرایم مشهورده یه و خانه دروننده
وقوعبولان جرملره منحصر بولن ان مذکور
قرق سکرنجی والی بشنجی ماده لر احکامك جرایم
غیر مشهورده اوله رق صرف اخبار طریقله
تعقیب ایدلکده بولن شو ضرب دعواسنه تعلق
اوله میه جنی درکار و معاملات تحقیقیه متدائر
اولان مواد قانونیه احکامجه مستطقت طرفینی
استجواب ایله قابل توفیق اولیان مادنین مذکورینه
بناءً اجرای تحقیقاتك عبث ایله اشتغال اولدینی
زمیننده مطالعه سردیله پولیسك تحقیقات ورقه سی
اوزرینه بنای قراره صلاحیتی اولدیغنه قرار
ویرلمی مغایر قانون اولدیغندن فسخیله اصولی
دائرة سنده اجرای تحقیقات ایچون اوراقل
اعاده سنه قرار ویرلمی طلبنی حاویدر معاون
مومی الیه مطالعه نامه بی تکرار و ضبط کاتبی دخی
کافه اوراق هیئته تسلیم ایدرک اوطه دن چقدقلرندن
صکره بلا فاصله مذاکره لدی الابتدار هر تقدیر
مستطقت طرفندن پولیسك تحقیقات ورقه سی
اوزرینه بناءً قراره صلاحیتی اولدیغنه قرار
ویرلمش ایسه ده استیناف مدعی عمومیلکنك
مطالعه نامه سنده برتفصیل محرر اسباب قرار
مزبورك فسخی مستلزم کورلدیکندن فسخیله

فی ۲۲ صفر سنه ۳۰۹
وفی ۱۴ ایلول سنه ۳۰۷

محکمه استیناف جنحه دائرة سنده رئیس وکیلی
حیدر افندی ایله اعضا حق بك و طاقورر
افندی دن متشکل هیئت اتهامیه محکمه مذکوره
مدعی عمومی معاونلرندن رؤف بك حاضر
اولدینی حالده بالاجتماع استیناف مدعی عمومیلکی
مأموریت علیه سنك فی ۱۵ صفر سنه ۳۰۹
تاریخی مطالعه نامه سیله دائرة یه ویریلان بك اوغلی
مستطقتی قرارنامه سی و قرار مذکور علیه نه
محلی مدعی عمومیلکندن ویریلوب بالتدقیق مدت
نظامیه سی ظرفنده اولدینی اکلایشیلان اعتراضنامه
واوراق سائر ضبط کاتبی وصفی بکه قرائت
ایتدیرلدی .

قرارنامه مفادی (تعقیب الاشراف سماحتلو

توفیق افندی حضرتلرینك مخدومی فائق بكك
کیفیت قتلندن طولای مظنون علیهم اولان
اشخاصدن موقوف بهجت حقنده کی امر توقیفك
دوام حکمنه محل قالدیغندن بالبحث اصول محاکات
جزائیه نك سکسان طقوزنجی ماده سنه توقفاً امر
مزبورك استرداد ایله سبب آخردن طولای
موقوف اولدینی حالده اخلائی سیبیه قرار
ویرلدیکنی حاویدر .

اعتراضنامه مؤداسی دخی (مرقوم بهجتك
فعل قتلده اشتراکی اولدینی کندوسی کی مقتول
فائق بك دخی املیانك دوستی اولدینی جهته
بینارنده عداوت ورقابت اوله جفنگ درکار
بولنمی و مرقوم بهجت مزبوره نك دوستی
اولدیغنی سوبلدیکی حالده ضابطه جه اجرا قلنان
تحقیقاتنده مزبوره نك دوستی اولدیغنی اکلایشیمی
ولیه و قوعانده بشقه محللرده اولدیغنی سوبلدیکی
حالده لیه مذکوره ده املیانك خانه سنده ایدوکنی
اقرار ایندیکی شاهد حلمینك اخبار یله ثابت
اولمی و آلت قتل اولان خنجر مرقومك اولدینی
خبر ویرلمی وغلافنگ درون خانه ده قانی
اوله رق بولنمی کی دلائل ایله اکلایشلمقه
و بناءً علیه موقوفاً اجرای استنطاقی لزوم قوی

تختنده بولنمقه ایکن ماده مذکوره موجبجه
برکونه طلب وقوعبولقسزین توقیف امرینك
دوام حکمه محل قالدینی بیانیله تخیله قراری
اعطاسی مغایر قانون اولدیغندن فسخی طلبنی
شاملدر .

مطالعه نامه مالی دخی (مستطقتك توقیف
امرینی استرداد صلاحیت قانونیه سی درکار و ماده
مزبوره موجبجه توقیف امرینك استرداد
علیه نه اعتراض جائز اوله میه جنی بدیدار ایسه ده
توقیف امرینك دوام حکمی طلب اولنمسه
نظراً اعتراض واقع بیجا کورندیکندن اعتراضنامه ده
بیان اولنان اسبابدن طولای قرار مزبورك فسخیله
مرقوم بهجتك تحت توقیفده بولنیرلمسنه قرار
ویرلمی طلبندن عبارتدر .

معاون مومی الیه مطالعه نامه بی تکرار و ضبط
کاتبی دخی کافه اوراق هیئته تسلیم ایدرک اوطه دن
چقدقلرندن صکره بلا فاصله مذاکره لدی الابتدار
اولا قرار مزبور قابل اعتراض اولوب اولدینی
نظر مطالعه نه الندقه اصول محاکات جزائیه نك
سکسان طقوزنجی ماده سنده توقیف امرینك
استرداد علیه نه اعتراض جائز اولدینی مصرح
اولغله برابر مذکور ماده ده توقیف امرینك

(بيك اوچيوز دوت سنه سی ایلونك اون یدنجی)
 (جمعه ایرتسی اقشامی ایله اون طقوزنجی بازار)
 (ایرتسی صباحی بیننده بغچه قپوسنده شاپچی)
 (خاندنه ساکن تجاردن نیکده لی پتراک)
 (افندینك قصه سی شکست ایدرك اچھه سی سرقت)
 (ایلدیکی ادعا اولنمسندن طولای مظنون علیه)
 (اولان خان مذکور اوپه باشیسی فراری)
 (فلیوسك اجرا قلنان محاکمه غلبه غیابیه سی)
 (ضبطنامه سی صورتیدر)

بيك اوچيوز دوت سنه سی ایلونك اون
 یدنجی جمعه ایرتسی اقشامی ایله اون طقوزنجی بازار
 ایرتسی صباحی بیننده بغچه قپوسنده شاپچی خاندنه
 ساکن تجاردن نیکده لی پتراک افندینك قصه سی
 شکست ایدرك اچھه سی سرقت ایلدیکی ادعا
 اولنمسندن طولای مظنون علیه اولان خان مذکور
 اوپه باشیسی فراری فلیوسك غیاباً جنایتله اتهامه
 دائر هیئت اتهامه دن تنظیم واعطا قلنان فی ۲۴
 نیسان سنه ۳۰۶ تاریخ و ۳۴؛ نومرولی مضبطه
 ایله استیناف مدعی عمومیلکی مأموریت بهیه سنك
 فی ۶ كانون اول سنه ۳۰۶ تاریخ و ۶۶۵۰
 نومرولی اتهامنامه سی اوراق متفرعه سیله فی ۲۱

استرداد مدعی عمومینك طلب و موافقتی ایله
 مشروط ایدوکی کوسترلنکده اولوب مدعی
 عمومینك طلبی وجهه قرار ویرلدیکی صورتده
 طرفندن اعتراضه محل قالمیه جغه نظرآ مذکور
 ماده ده توقیف امرینك شخص طرفندن اولان
 اعتراض دینك اولوب مدعی عمومینك طلبی
 خلافته ویریلان قراره مدعی عمومی طرفندن
 اعتراض اولنه یله جکنه قرار ویرلدکن صکره
 اساس مسئله نك مذاکره سنه مبادرت اولندقد
 توقیف امرینك استرداد مدعی عمومینك طلب
 و موافقت ایتسیله مشروط اولوب عدم استرداد
 حقه ده طلب وقوع بولدینی حالد استردادینه قرار
 ویرلسی مخالف قانون اولدیغه منی قرار مزبورک
 فسخیه مومی الیه بهجت افندینك حال موقوفیتده
 براغامسنه بيك اوچيوز طقوز سنه سی صفرینك
 اون یدنجی و اوچيوز یدی سنه سی ایلونك طقوزنجی
 کونی متفقاً قرار ویرلدی .

فی ۲۲ صفر سنه ۳۰۹
 وفی ۱۴ ایلول سنه ۳۰۷

نیسان سنه ۳۰۷ تاریخنده محکمه جنایته تودیع
 اولنمغله بالمطالع اصول محاکات جزایه قانوننك
 فصل رابعنك باب نایسنده محرر اولان معاملات
 ابتدائیه نك ایفاسنه بالابتدار فراری مرقومك
 محکمه یه کلسی ایچون جانب ریاستدن ویریلان
 اون کون مهلی حاوی تنظیم اولنان اعلاننامه نك
 برقطعه سی محکمه قپوسنه تعلیق ونسخ سائره سی دخی
 استیناف مدعی عمومیلکنه بالاعطا غرتله لرله نشر
 واشاعه ایدیلرک مدت مذکوره منقضیه اولدینی
 جهته فراری مرقومك اجرای محاکمه سی سنه
 مذکوره حزراننک یکر می ایکنجی جمعه ایرتسی
 کوننه قرارلشیدرلدی .

یوم مذکوره مدعی عمومی معاو نلرندن
 ممدوح بك حاضر اولدینی حالد غیاباً محاکمه
 غلبه یه بالابتدار اتهام مضبطه سی و اتهامنامه
 وفراری مرقوم حقه ده کی اعلاننامه ضبط کاتبی
 جمال بکه قرائت ایتدیرلدی .

ذکر اولنان مضبطه نك مالی متهم مرقوم
 فلیوسك نیکده لی پتراک افندینك شاپچی خاندنه
 واقع اوپه سی آلت مخصوصه ایله آچهرق قصه سی
 شکست ومعلوم المقدار اچھه واشیاسنی سرقت ایلدیکی
 اخبارات و لائل و امارات ایله تحقیق ایتیش
 و حرکت واقعه سی قانون جزانك ایکوز یکرمنجی

ماده سنه موافق بولنمش اولدیغندن جنایتله اتهامه
 قرار ویرلیدیکنی و اتهامنامه نك مفادی دخی
 مضبطه مذکوره مندرجاتی وجهه مرقومك
 متهم بولدیغنی و اعلاننامه نك مزایایسی دخی اشکال
 و اوصافی اوراق تحقیقه مندرج اولان مرقوم
 فلیوسك قانونه اطاعتله محکمه یه کلسی ایچون تاریخ
 اعلاندن اعتباراً جانب ریاستدن مرقومه اون کون
 مهلت ویرلش اولمغله مدت مذکوره ظرفده
 محکمه یه کلدیکی تقدیرده قانونه اطاعت ایتماش
 نظریله باقیله رق محاکمه غیابیه سی بالا اجرا حقوق
 مدنی دن اسقاط واموالی حجز ایدیله جکی و بو
 مدت ظرفده برکونه دعوی اقامه سنه حقی
 اوله میه جنی کبی بولدینی محلی بیلنلر خبر ویرمه
 و بالجله ضابطه عدلیه مأمورلری کندوسنی اخذ
 و گرفت ایتمه مجبور اولدقلرینی بیساندن
 عبارتدر .

بونك اوزرینه معاون مومی الیه ممدوح بك
 استماع اولندقد مرقومك مذکور اوپه قپوسنی
 اختار ایله آچهرق وقصه یی شکست ایدرك فعل
 سرقته جرأله فرار ایلدیکی تحقیق ایتدیکندن بحث ایله
 مجرمیتنه قرار ویرلسنی طلب ایتمکه محاکمه نك
 ختام بولدینی بیان اولنهرق مذاکره اوپه سنه
 کلندی .

معاون مومی اليهك استماعدن و بالجهه اوراق
تحقيقهك مطالعه و تدقيقدن صكره ايجاب كيفيت
لدى المذاكره فرارى او طه باشى فليوسك تجاردين
نيكده لى پتراكى افنديك او طه قپوسنى آلت مخصوصه
ايه آچهرق و قصه سنى قيرهق اچيه سنى سرقت
ايلديكى مرقوم فليوسك يوم مذكوره اقشامه
قدر خنده بولندينى مقر اولوب مؤخرأ فرارايه
غيوبت ايتيمى واساس زورنالى و معاينه راپورتى
مندرجاتى ايله تحقق ايتكله مجرميته غيابة و متفقاً
قرار و يريلهرك اولبايده تنظيم اولسان قرارنامه
علناً قرائت اولندقه معاون مومى اليه ممدوح بك
مجرميتى قرار كير اولان فرارى او طه باشى فليوسك
قانون جزانك ايكوز يكر منجى ماده سسنة توفيقاً
جزاسنك تعيينى و او تون برنجى ماده قانونيه
منطوقجه حقوق مدنيه دن اسقاطى طلب ايتكله
مذاكره او طه سنه كلدى .

جهت جزائيه سى دخى مذاكره اولندقه
فرارى مرقوم فليوسك حركتى قانون جزانك
ايكوز يكر منجى ماده سسنة موافق اولديغه و ماده
مذكوره دخى هر تقدّر انسان اقامت ايدر محل
اولسه و يا خود مسكون محله متعلق بولنمسه بيله
قبلى و ديوار ايله محدود اولان محلكه ديوارى

دلهرهك و يا زردبان ايله آشهرق و يا آلت مخصوصه
ايه قپوسنى آچهرق خرسزلق ايدنلر موقتاً كوركه
قونسلور ديو محرر بولنديغه مبنى بوماده حكمنه
توفيقاً و طوتيله جنى تاريخدن اعتباراً اون طقوزنجى
ماده قانونيه منطوقجه بعدالتشهير اوچ سنه مدته
كوركه قونلمسنة و او تون برنجى ماده قانونيه
موجبجه حقوق مدنيه دن بالاسقاط اموالنك
حجزينه وضبط و اعلام و استنطاق خرچلرى
اولان يوز او تون غروشك مرقومدن تحصيله
عدليه وزنه سنه تسليم ايتديرلمسنة او چيوز سكر
سنة سى ذى القعدة سنك يكرمى سكرنجى كوئنه
تصادف ايدن او چيوز يدى سسنة سى حزينانك
يكرمى ايكنجى كوفى غيابة و متفقاً قرار و يريلهرك
قانونك ارايه و تعريف ايلديكى وجهله تفهيمى
اجرا و اصول محاكمه جه معين اولان معاملات
سأره ايفا قلندى .

فى ۱۶ اغستوس سنه ۳۰۷

اعلان

كيوه قضاسى بلديه رسوميه بيججى حافظ
محمد افنديك بااعلام محكوم اولدنى مبالغ معلومهك
تسويه سى ضمنده كيوه قصبه سنك چاي كنارنده
واقع برقطعه طوت فدانلنى محجوز اولديغدن اشبو
تاريخدن اعتباراً اون بش كون مرونده فروخته
تشبث اولنه جغندن طالب اولنلرك كيوه بدايت
محكمه سى اجرا دائر سسنة مراجعت ايتلرى اعلان
اولنور .

فى ۲۹ اغستوس سنه ۳۰۷

اعشار التزامدن طولاي خزينه جليله
مديون بولسان اطه تيه قريه لى قره عثمان اوغلى
مصطفى افانك قريه مذكور حدودى داخلنده
ملا اوغلى مزاري موقعنده طرفلرى طريق و حاجى
ابراهيم و حسن ملكارى ايله محدود دروننده يوز
يكرمى بش عدد زيتون و اون عدد ارموط اشجارى
بولنان برقطعه زيتون باغچه سى او نبر بيك غروش

بدل ايله خزينه جليله نامنه تقرر ايدرك تاريخ
اعلاندن او تون بركون ظرفنده يوزده بشله ضمه
طالب اولنلرك ايواجق بدايت محكمه سى اجرا
دائرة سيله نزدنكى منادى به مراجعت ايلملرى
اعلان اولنور .

فى ۱۰ ايلول سنه ۳۰۷

ايواجق قضاسنك اولياسى امور زيتون
باغچه لرى ملتزمى نارلى قريه لى على بك خزينه
جليله يه دينى بولسان معلوم المقدار دينك تأمين
استيفاسى ضمنده نارلى قريه سى حدودى داخلنده
قوجه دره موقعنده حسن افندى و نظيف يتيملىرى
ملكلى عرق و طريق عام ايله محدود دروننده
طقوزساق زيتون اشجارى بولنان برقطعه زيتون
بغچه سى ايكي بيك التيوز و بوز ترلاده راشد اغا
و عثمان افندى و لب دريا ايله محدود دروننده قرق
درت ساق زيتون اشجارى بولنان برقطعه زيتون
بغچه سى اوچيك و چوقور ايچى نام محله محمد
افندى و ايساقوچى و حاجى حسين اغا ايله محدود
اون درت ساق زيتون اشجارى شاملى برقطعه

بنجچه سی ایکی بیک التیوز غرو شده خزینه جلیله
نامنه تقرر ایدرک تاریخ اعلاندن اعتباراً اوتوز بر
کون ظرفنده یوزده بشله ضمه طالب اولنلرک
ایواجق بدایت محکمه سی اجراء اثره سیله نزدنده کی
منادی به مراجعت ایلملری اعلان اولنور .

فی ۱۰ ایلول سنه ۳۰۷

قهوه چی حسین اغانک ^{۲۰۴}/_{۲۱۹} نومرویه مقید
برنجی حقوق دائره سنک اعلامی موجب بنجه عارف اغا
ذمتده الاجنی بولنان معلوم المقدار مبالغک تأمین
استیفاسیچون تحت حجزه النهرق فروختی
قرارلشدر یلان جانبازیه محله سنه میشلی مسجد
زقاغنده واقع تخمیناً اوچ بمق دوئندن عبارت
درونده مع طولاب بر بوستان قیوسنی و بر
باغچوان او طه سیله بعض اشجار ممره بی حاوی
اوتوز سکر نومرولی بر قطعه بوستانک الی حصه
اعتبار یله بر حصه سنک تاریخ اعلاندن اعتباراً
نهایت اون بش کون سکره بلزاید فروخته
تثبت اولنه جنی در سعادت اعلامات نظامیه اجرا
داره سندن اعلان اولنور .

فی ۱۶ ایلول سنه ۳۰۷

زیتون بنجچه سی بیک در تیوز و ناریق نام محله
وقف شاهانه و ایساقوچی و علمدار اوغلی محمد ایله
محدود دروننده بش ساق زیتون اشجاری بولنان
بر قطعه بنجچه سی التیوز و قوجه دره نام محله محمد
افندی و حاجی راشداغا و قصاب سلیمان و عرق ایله
محدود دروننده قرق بش ساق زیتون و اون بر
ساق امروط اشجاری بولنان بر قطعه بنجچه سی
بش بیک و سپتچی باری نام محله مصطفی افندی
واندون و دره ایله محدود دروننده سکسان ساق
زیتون اشجاری بولنان بر قطعه بنجچه سی بیک
ایکوز و مسیخی نام محله ملا سلیمان یتیملری
و حاجی مصطفانک خلیل و امین اغا ملک لری و طریق
عام ایله محدود دروننده یکریمی بر ساق زیتون
اشجاری بولنان بر قطعه زیتون باغچه سی بیک
و قره آید نام موقعه طرفلری اینجه قاش یتیملری
و امین اغا و حسن و حاتم اغا ملک لری و طریق عام
ایله محدود دروننده التمش ساق زیتون و یکریمی
ساق امروط اشجاری بشامل بر قطعه زیتون
بنجچه سی بش بیک یدییوز و کویری یانی نام محله
طرفلری ایساقوچی و قرال نیقوله و چای ایله محدود
درونده یکریمی اوچ ساق زیتون و ایکی ساق
امروط اشجاری بولنان بر قطعه بنجچه سی سکر یوز
سکسان و دلی بجه نام محله طرفلری دیمتری و عبده
افندی و وقف شاهانه و عرق ایله محدود دروننده
یکریمی ساق زیتون اشجاری بولنان بر قطعه

قالقاندلی ارن بود خلیل اغانک در علیه لی
حاجی صالح افندی به با اعلام مدیون بولندیغی مبالغ
معلومه نك تأمین استیفاسی ضمنده فروختی محکوم
بولنان کشانده شاد پروان جوارنده واقع معلوم -
الحدود مع قهوه خانه بر باب خان الی بیک و یکی
باغلرده کذا معلوم الحدود و الجیران ایکی قطعه
باغندن بر یسی اوچیوز و دیگری بشیوز و قالقاندلی
قضا سنده جوار و یانده واقع مع ابنیه و اراضی
و مرعه و چایر بر باب چقنلک اون بش بیک
غرو شده طالب لری عهده سنده تقرر ایتدیکندن
یوزده بش ضمیله طالب اولنلرک اوتوز بر کونه
قدر کشان بدایت محکمه سی اجراء اثره سنه مراجعت
ایلملری اعلان اولنور .

فی ۱۶ ایلول سنه ۳۰۷

سماحتلو حاجی محمد نوری افندی حضر تلرینک
حسنه خاتم ذمتده استانبول محکمه سندن ویر یلان
سلح ذی الحجه سنه ۹۹ تاریخی بر قطعه ادانه
حجتی موجب بنجه الاجنی اولان مبالغ معلومه نك تأمین استیفاسی
ضمنده مدیون مومی الیهک عهده سنده اولوب
مرهون و فروختی محکوم بولنان چارشوی کیرده
چقور خاده واقع تختانی یکریمی یدی نومرو ایله
مراقم بر باب او طه دروننده موجود کدکک اشبو

جاده سنده واقع تحتنده قرق سکر نومرولی بر بر
دکانی مشتمل الی الی نومرولی مقدما بر باب
کیر ملک منزل والیوم تخمیناً بش بیک ایکوز الی
عتیق ذراع عرصه بوندن اقدام مزایدیه قویله رق
لیرا یوز غروش حسابیله در تیک یوز غروش بدل
ایله طالی اوزرنده تقرر ایتش اولدیغندن یوزده
بش ضمیله بوندن دهها زیاده طالب اولنلرک
اشبو تاریخ اعلاندن اعتباراً اوتوز بر کون ظرفنده
در سعادت اعلامات شرعیه اجراء اثره سنه مراجعت
ایلملری و مدت مذکوره ختامندن سکره طالی
عهده سنه معامله فراغیه سی اجرا قلنه جنی دائره
مذکوره دن اعلان اولنور .

فی ۱۹ ایلول سنه ۳۰۷

سماحتلو حاجی محمد نوری افندی حضر تلرینک
حاجی احمد افندی ذمتده قسمت عسکری
محکمه سندن ویر یلان بر قطعه ادانه حجتی موجب بنجه
الاجنی اولان مبالغ معلومه نك تأمین استیفاسی
ضمنده مدیون مومی الیهک عهده سنده اولوب
مرهون و فروختی محکوم بولنان چارشوی کیرده
چقور خاده واقع تختانی یکریمی یدی نومرو ایله
مراقم بر باب او طه دروننده موجود کدکک اشبو

تاریخ اعلاندن اعتباراً اون بش کون صکره
فروخته تیش اولنه جفندن طالب اولنلرک پی
سورمک و بوندن دها زیاده معلومات المق استیانلرک
مدت مذ کوره ختامند نصکره در سعادت اعلامات
شرعیه اجرا دائره سنه مراخت ایلملری دائره
مذ کورهدن اعلان اولنور .

فی ۱۹ ایلول سنه ۳۰۷

ککبوزه قضاسنه تابع ایدنلی قریه سی اها لیسندن
کورکچی اوغلی ولی اغانک در علیه ده آت بازارنده
ساکنه عایشه خانم متعدد اعلامات ایله محکوم
اولدینی مبالغ معلومه نک تأمین استیفاسی ضمننده
مدیون مرقومک تحت تصرفنده اولوب مقدا
جریده لر ایله اعلان ایدیلان طقوز قطعه املاک
واراضیلری جمعاً اون بر بیک یوز اون غروشد
طالبی اوزرنده تقرر ایتمکده اولدیغندن بوکرده
یوزده بش ضم ایچون طالب اولنلر اشبو تاریخ
اعلاندن اعتباراً اوتوز بر کون ظرفنده ککبوزه
بدایت محکمه سی اجراء دائره سنه مراجعت ایلملری
اعلان اولنور .

فی ۲۱ ایلول سنه ۳۰۷

محمد فیخری اغانک $\frac{۲۰}{۱۰۰}$ نومرویه مقید برنجی
حقوق دائره سنک اعلامی موجبجه نجیب افندی
ذمتنده الاجبی بولنان معلوم المقدار مبالغک تأمین
استیفاسیچون تحت حجزه انهرق فروختی قرار -
لشدریلان خواجه یاشاده الوان زاده محله سننده
دارالسعاده اغاسی زقاغنده واقع تخمیناً التمش
آرشون وسعتنده بولنان بش نومرولی برقطعه
مفرز عرصه تمامی بوندن اقدام مزایده یه قونیله رق
لیرای عثمانی یوز غروشدن اولمق اوزره اوچبیک
غروشد طالبی عهده سننده تقرر ایتمش اولدیغندن
بوندن زیاده یه یعنی یوزده بش ضمیمه طالب
اولنلرک ودها زیاده معلومات المق استیانلرک
تاریخ اعلاندن اعتباراً اوتوز بر کون ظرفنده
دائرة اجرایه مراجعتله پی سورملری لازمکله جکی
ومدت مذ کورهنک انتقاسنی متعاقب قرار
قطعیسی کشیده قلنه جفندن اندن صکره ضم قبول
اولنیه جکی در سعادت اعلامات نظامیه اجرا
دائره سنندن اعلان اولنور .

فی ۲۱ ایلول سنه ۳۰۷